



Universitätsbibliothek Paderborn

Centvriæ Selectorvm Casvvm Conscientiae. I. II. III.tia

Burghaber, Adam

Fribvrgi Brisgoiæ, 1665

28. Felicitas sponsa non potest resilire ex eo, quod sponsum suum videat
frequenter cum alia, hanc osculari, &c.

urn:nbn:de:hbz:466:1-40942

ter omnibus non applicetur, sed solum eâ generali applicatione, quâ omnibus fidelibus & præcipue Sacrificio præsentibus applicetur.

Atque in hunc sensum intelligi debet Sac. Script. ad Hebr. Trident loc. cit. & utrâqua ratio in contrarium allata; et si autem sic Parochus sustentationem habeat, id tamen non obstat, quod minus possit ac debeat sustentari ab eo, qui sacrificium pro se fieri postulat. Ad authoritatem Congreg. Card. dicimus, eam loqui de Sacerdote, qui ratione beneficij, Capellæ, aut Salarij certis diebus obligatur ad sacrificium pro alio, ut pluribus ostendit Lugoloc. cit.

XXVIII. Felicitas contraxit sponsalia cum Reuocato, quem videns postea frequenter esse cum Perpetua, & hanc osculari, amplexari &c. non vult amplius sponsione suâ stare. Quaritur. Num ex dictâ causâ resilire possit?

Videtur posse. Ita Palao Tom. 1. D. 1. pun. 25. n. 3. Hurtadus, & alij, quos citat & sequitur Diana P. 10. Tr. II. Resol. 28. sibi contrarius P. 3. Tr. 4. 283. Tum quia sponsus resilire posset, si in sponsa similia adverteret, ut post alios docet Dicastillo de Matr. D. 1. n. 577. Tum quia talia innuant sponsi animum propensum erga aliam, ut de fide servandâ iure suspectus esse possit.

Resp. Felicitatem resilire non posse: Ita Reginald, Sanch, Perez de Matr. D. 9. f. 16.
n. 8.

n. 8. & alij. Ratio est, quia id sponsæ non est dedecus, nee censetur mutatio alicuius momenti; siquidem sponsus non inde redditus vilior.

Vnde ad primum in contrarium negatur paritas, quia in sponsa vergetet ad calumnianum sponsum. Ad secundum negamus, innuitalem propensionem, nisi illa oscula & tactus nimis frequentes & impudici sint, tunc enim Laym. P. 5. Tr. 10. part. 1. c. 2. n. 11. & alij concedunt, Felicitatem resilire posse; Atque sic reconciliari possent contrariæ sententiae.

XXIX. Flora partu laborans & magnos sentiens dolores petit a Parocho, ut ipsam nuperrime confessam, & Sacra synaxi munitam extremè insungere velit, quod & impetrat. Quæritur. Rectene petitioni Flora satisficerit Parochus?

Videtur quod non. Ita Bonac. de Sacr. D. 7. q. vnic. pun. 5. num. 4. & alij apud hunc, quia non laborabat Flora infirmitate corporali.

Resp. Parochum recte inunxisse Floram, si dolores partus naturam debilitatint, atque ægritudinem periculosam causârint: Secus si illi citra vitæ periculum steterint. Ita Dicastillo de Sacram. Tr. 7. D. 1. num. 161. Ratio est, quia ex comuni DD. & usu Ecclesiæ huius Sacramenti soli infirmi sunt capaces. Vnde Trident. seß. 14. cap. 4. vocat Sacramentum exeuntium. Atque ex his patet ad rationem in contrarium.